



## INGIN MERANCANG PERJALANAN MRT ANDA? DAPATKAN DISINI!



PENDIDIKAN > KAMPUS

UMUM SEKOLAH SASTERA AGAMA

## UniKL MSI jelajah seluruh negara



Pelajar dari Kemaman, Setiu dan Hulu Terengganu menyertai salah satu modul dalam program i-Lead, Flag Rising anjuran UniKL MSI.

---

## Mohd. Firdaus Ismail

20 Mei 2017 3:00 AM

---

◀ 172

---

DI SEBALIK kesibukan dengan jadual kuliah, sekumpulan mahasiswa Universiti Kuala Lumpur Malaysian Spanish Institute (UniKL MSI) di Kulim, Kedah tidak melupakan tanggungjawab sosial mereka terhadap masyarakat khususnya golongan pelajar sekolah.

Bertitik tolak daripada objektif untuk membentuk pemimpin masa depan, program i-Lead (Intellectual Leadership) iaitu kem motivasi Lead Now Learn How dengan beberapa modul telah diperkenalkan oleh universiti berkenaan dua tahun lepas.

Walaupun boleh dikatakan masih 'hijau', namun i-Lead yang memberi peluang kepada pelajar menganjurkan kem motivasi kini sudah bertaring apabila mula mendapat tempat dalam kalangan pelajar sekolah menengah dan institusi pengajian tinggi di seluruh negara.

Ketua Fasilitator i-Lead, **Muhammad Zamri Zainal Abidin**, 24, berkata, program berkenaan sehingga kini sudah dijalankan di lebih 30 buah sekolah selain mula mengetuk pintu beberapa institusi pengajian tinggi dan pejabat kerajaan.

Katanya, objektif utama program berkenaan ialah untuk membentuk kepimpinan dalam kalangan peserta selain memberi nilai tambah kepada pelajar UniKL yang bertindak sebagai fasilitator.

Menurut penuntut Ijazah Sarjana Muda Teknologi Kejuruteraan Mekanikal (Automotif) itu, sepanjang menjalankan program berkenaan, dia dan rakan-rakan turut memperoleh pelbagai pengalaman yang menguatkan mereka sebagai satu unit.

“Pada dasarnya, kem ini dianjurkan untuk memupuk kemahiran kepemimpinan dalam kalangan peserta, malah dapat mencungkil potensi diri untuk menjadi pemimpin masa depan,” katanya ketika ditemui Utusan Malaysia di sini baru-baru ini.

Muhammad Zamri berkata, pengalaman menjelaj ke seluruh negara termasuk ke Sabah ketika menjalankan program berkenaan turut memberi peluang kepada mereka untuk memahami budaya dan latar belakang pelajar yang berbeza di setiap tempat.

“Sejak dimulakan pada 2015, kami dijemput menganjurkan kem ini di sekolah-sekolah di bandar dan luar bandar termasuk di beberapa sekolah menengah di daerah Keningau, Sabah yang mana ia merupakan pengalaman yang cukup mengujakan.

“Ini kerana bukan sahaja pelajar dari sekitar bandar Keningau yang datang, malah pelajar dari sekolah pedalaman turut tidak melepaskan peluang kem berkenaan. Lebih membuatkan kami kagum ialah semangat mereka apabila sanggup berjalan jauh semata-mata untuk mengikuti program i-Lead di negeri berkenaan,” katanya.

Seorang lagi mahasiswa UniKL, **Muhammad Amir Ariff**, 24, berkongsi pengalamah terlibat dalam penganjuran i-Lead berkata, mereka turut turun ke sekolah Orang Asli di Kuala Kangsar, Perak.

Modul program yang disediakan untuk pelajar di situ sedikit berbeza, malah mereka berhadapan tugas yang lebih mencabar kerana kesukaran untuk berkomunikasi dengan murid Orang Asli yang pemalu.

“Sebelum kami menganjurkan kem di SMK Bawong, kawasan sekitar sekolah itu dilanda banjir dan kehidupan mereka terjejas.

“Namun, semangat untuk mendapat ilmu kepimpinan yang tidak luntur membuatkan kami bertekad memberikan yang terbaik, malah kem di sekolah berkenaan yang dijalankan selama dua hari mendapat sambutan hangat apabila disertai lebih 200 pelajar,” katanya.

Menurut Muhammad Amir, kem i-Lead di Kuala Kangsar turut memberi pengalaman baharu kepadanya kerana dapat belajar pendekatan serta cara komunikasi yang sesuai untuk bergaul dengan masyarakat Orang Asli.

“Apa yang saya perhatikan, kita sebagai orang luar yang masuk ke sana tidak boleh bersikap terlalu agresif kerana mereka (Orang Asli) tidak suka dipaksa.

“Apabila mereka (Orang Asli) sudah selesai, baru mereka akan mendekati kita. Ini seterusnya membantu membentuk diri saya menjadi seorang yang lebih rasional dan memahami kepelbagaian tradisi yang wujud dalam negara kita,” katanya.

Untuk rekod, katanya, antara sekolah yang menggunakan ‘kepakaran’ mereka termasuklah SMK Arau, Perlis, Kolej Sultan Abdul Hamid, SMK Ibrahim, SMK Kulim (Kedah), SMK Mak Lagam, SMK Orkid Desa, SMK Penanti, SMK RLKT Lasah dan SMK Bawong di Perak.

Katanya, mereka turut terlibat dalam program itu bersama Maktab Rendah Sains MARA Polis Diraja Malaysia (MRSM-PDRM), Kolej Vokasional Kulim, SM Teknik Alor Setar, KKTM Petaling Jaya serta Jabatan Pendidikan Daerah Kulim dan Kuala Kangsar.

Katanya, program yang sama juga pernah diadakan di peringkat Negeri Terengganu dengan kerjasama Jabatan Pendidikan Negeri Terengganu, MGK Kemaman, MGK Setiu dan MGK Hulu Terengganu.

Katanya, i-Lead mempunyai lebih 30 modul interaktif dan akan disesuaikan dengan sasaran kumpulan peserta bagi setiap lokasi.

Tambah beliau, antara modul interaktif yang ditawarkan ialah modul-modul berkaitan dengan Pembimbing Rakan Sebaya (PRS) dan Kempimpinan serta jati diri seperti Jom Viral, Origami Market, Amazing PRS, Oh Negaraku dan Perfect Our Solat.

“Setiap satunya mempunyai pengisian tersendiri yang berbentuk kepimpinan, semangat berpasukan, aspek kerohanian, semangat patriotik dan motivasi diri,” katanya.

Seorang lagi mahasiswa yang turut terlibat sebagai fasilitator, **Hafiz Salihin**, 26, berkata, sepanjang program i-Lead, mereka akan memantau ‘perkembangan’ peserta.

“Kita akan memberi laporan kepada pihak sekolah tentang perubahan yang berlaku kepada pelajar mereka. Pada permulaan program, peserta biasanya pasif, namun perubahan akan dapat dilihat pada penghujung program.

“Sampai satu tahap, kita melihat pelajar-pelajar sekolah ini mampu menguruskan majlis penutup dalam tempoh yang singkat tanpa bantuan fasilitator, selain kemahiran kepimpinan dan komunikasi mereka yang bertambah baik.” katanya.

Tambahnya, fasilitator yang terlibat turut menyertai akademi i-Lead yang dianjurkan pada setiap semester di kampus UniKL MSI bagi menambah baik prestasi fasilitator dan membentuk fasilitator yang baharu untuk program i-Lead.

Jelasnya, kepelbagaian modul dinilai dan dikemas kini bagi memberi penyampaian yang baik dalam setiap program i-Lead yang dianjurkan.

---

## Tag Berkaitan

Kolej dan Universiti

Semasa



---

## ARTIKEL BERKAITAN



Ucapan saya disalah tafsir – Tengku Adnan



Pengiktirafan profesional CILTM



PTPTN / Kualiti perkhidmatan PTPTN terus dipertingkatkan

Penyelidik Unimap hasilkan 402 kertas kerja jurnal sejak Januari

Graduan USIM perlu tingkat ilmu hadapi dunia pekerjaan

Reka bentuk semula pendidikan tinggi ikut acuan industri 4.0

---

## VIDEO PILIHAN





 CROWDYNEWS



---

## ARTIKEL LAIN



Pembangunan infrastruktur lonjak kapasiti penumpang ISG



Lapangan terbang Bali ditutup sehingga esok



Lukaku terlepas digantung tiga perlawanan



Jumlah mangsa dipindahkan meningkat



Man. United berdepan ujian getir hadapi Watford

F1: Kubica kembali selepas tujuh tahun

150 ahli Briged Sukarelawan Khidmat Negara sertai program jati diri

## FAMA perluas guna produk dingin beku isi sala

Iklan



## VIDEO TERKINI



Kapsul Berita 27 Nov. 2017



Gelombang kedua PPPM- Memacu peningkatan sistem pendidikan



Yayasan MyAqsa platform gabungan NGO, kerajaan bebaskan AI Aqsa

Pembantu makmal menang Proton Iriz #UMenangsakan Bonanza Edisi Kedua

Kapsul Berita 24 Nov 2017

PPBM pengguna pemuda untuk penuhi agenda parti

<b><u>Berita</u></b>	<b><u>Rencana</u></b>	<b><u>Wilayah</u></b>	<b><u>Hiburan</u></b>	<b><u>Sukan</u></b>	<b><u>Bisnes</u></b>	<b><u>Pendidikan</u></b>
Terkini	Utama	Johor	Berita	Bola Sepak	Ekonomi	Umum
Berita	Bisik-bisik	Kedah	Selebriti	Badminton	Korporat	Sekolah
Utama	Cuit	Kelantan	Muzik	Lumba	Usahawan	Kampus
Utusan	Selak	KL &	Filem &	Kereta	Automotif	Sastra
Live	Kolumnis	Putrajaya	Drama	Lumba	Hartanah	Agama
Nasional	Forum	Melaka	Rancangan	Motorsikal	Teknologi	
Politik	Agama	Negeri	TV	Basikal	Saham &	<b><u>Sains &amp;</u></b>
Parlimen	Blog	Sembilan	Seni &	Golf	Wang	<b><u>Teknologi</u></b>
Jenayah	Sukan	Pahang	Budaya	Hoki		Sains
Mahkamah		Perak		lain-Lain		Teknologi
		Perlis	<b><u>Gaya</u></b>	Rencana		Inovasi
<b><u>Luar</u></b>		Pulau	<b><u>Hidup</u></b>	Sukan		Gedjet
<b><u>Negara</u></b>		Pinang	Rekreasi			Pertanian
Asean		Sabah	Permotoran			Alam
		Sarawak	Pelancongan			Sekitar
		Selangor	Keluarga			
		Terengganu	Kesihatan	<b><u>Video</u></b>		
			Fesyen	Terkini		
				Isu		
				Semasa		
				Bisnes		
				Pemotoran		
				Gaya		
				Hidup		
				Hiburan		
				Agama		
				Politik		

## Kumpulan Utusan

Kumpulan Utusan | Kosmo! | Tutor | Saji Online | disini.my | MyBooks | Job House |

Utusan Karya

Jom Iklan | Mengenai Kami | Terma & Syarat Policy



WWW.UTUSAN.COM.MY © 1997-2017 UTUSAN MELAYU (M) BERHAD  
No. 44, Jalan Utusan, Off Jalan Chan Sow Lin, 55200 Kuala Lumpur.